

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 11. Zakona o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12, 87/12 i 32/13), Vijeće ministara Bosne i Hercegovine, na 30. sjednici, održanoj 17.03.2021. godine donijelo je

## **ODLUKU**

### **O PRIVREMENOM FINANSIRANJU INSTITUCIJA BOSNE I HERCEGOVINE I MEĐUNARODNIH OBAVEZA BOSNE I HERCEGOVINE ZA PERIOD APRIL – JUNI 2021. GODINE**

#### **Član 1.**

##### **(Predmet odluke)**

Ovom odlukom odobrava se privremeno finansiranje institucija Bosne i Hercegovine i međunarodnih obaveza Bosne i Hercegovine za period april - juni 2021. godine.

#### **Član 2.**

##### **(Visina sredstava za privremeno finansiranje)**

- (1) Privremeno finansiranje institucija Bosne i Hercegovine za period iz člana 1. ove odluke utvrđuje se na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20).
- (2) Za finansiranje institucija Bosne i Hercegovine u periodu april - juni 2021. godine odobravaju se sredstva u iznosu 249.000.000 KM što predstavlja 1/4 sredstava odobrenih za finansiranje institucija Bosne i Hercegovine u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu.

#### **Član 3.**

##### **(Raspored rashoda po budžetskim korisnicima)**

- (1) Raspored rashoda po budžetskim korisnicima za period iz člana 1. ove odluke za tekuće rashode vršit će se na osnovu budžeta korisnika utvrđenih u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2020. godinu u iznosima kojima se omogućava obavljanje aktivnosti za zakonom utvrđene nadležnosti budžetskih korisnika. Ministarstvo finansija i trezora Bosne i Hercegovine usaglašava sa budžetskim korisnicima operativne planove potrošnje za period važenja ove odluke.
- (2) Raspored rashoda na stavci Direktni transferi sa Jedinstvenog računa trezora – stavka 9999-1 utvrđenih Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu, vršit će se u skladu sa dospelcem obaveza po pojedinim stavkama.
- (3) Korištenje tekuće rezerve iz člana 3. tabela 3. stavka 9999-2, podstavka 1 – Tekuća rezerva utvrđena Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu vršit će se u skladu sa članom 17. Zakona o finansiranju institucija Bosne i Hercegovine, a najviše do 1/4 tekuće rezerve iz člana 3. tabela 3. stavka 9999-2, podstavka 1. Sredstva tekuće rezerve se sukladno članu 11. stav (6) Zakona o finansiranju institucija Bosne i Hercegovine mogu koristiti isključivo za finansiranje tekućih rashoda neophodnih za funkcioniranje institucija Bosne i Hercegovine.

**Član 4.**  
**(Višegodišnji projekti i programi posebne namjene)**

Nastavak finansiranja višegodišnjih projekata koji su usvojeni u budžetima prethodnih godina, kao i programa posebnih namjena vršit će se iz sredstava koja su prenesena u skladu sa članom 14. Zakona o finansiranju institucija Bosne i Hercegovine, odnosno osigurana namjenskim donacijama i drugim namjenskim sredstvima.


**Član 5.**  
**(Provođenje odluke)**

Provedbu ove odluke vršit će Ministarstvo finansija i trezora Bosne i Hercegovine i institucije Bosne i Hercegovine koje se finansiraju iz budžeta, u skladu sa odredbama i procedurama utvrđenim u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2020. godinu i Zakonu o finansiranju institucija Bosne i Hercegovine.

**Član 6.**  
**(Stupanje na snagu)**

Ova odluka stupa na snagu danom donošenja i objavljuje se u "Službenom glasniku BiH", a primjenjivat će se od 1. aprila 2021. godine.

VM broj 64 /21  
17.03.2021. godine  
Sarajevo



Predsjedavajući  
Vijeća ministara BiH  
Dr. Zoran Tegeltija

*[Handwritten signatures and initials]*